
PWYLLGOR YMGYNGHOROL HARBWR PORTHMADOG 8/3/17

YN BRESENNOL:

Y Cynghorydd Alwyn Gruffydd (Cadeirydd)
Y Cynghorydd Selwyn Griffiths (is-gadeirydd)

Y Cynghorwyr: Jason Humphreys (Cyngor Gwynedd), ynghyd â Gavin Buckley (Cynrychiolydd Cyngor Tref Porthmadog), Dr John Jones-Morris (Cynrychiolydd Buddiannau Hamdden), Robert Owen (Cynrychiolydd Buddiannau Masnachol) a Peter L. Williams (Cynrychiolydd Sefydliad y Bâd Achub).

HEFYD YN BRESENNOL: Barry Davies (Swyddog Morwrol a Pharciau Gwledig), Llŷr B Jones (Uwch Reolwr Economi a Chymuned), Arthur Francis Jones (Uwch Swyddog Harbyrau), Malcolm Humphreys (Harbwr Feistr Porthmadog) a Bethan Adams (Swyddog Cefnogi Aelodau).

YMDDIHEURIADAU: Y Cynghorydd Mandy Williams-Davies (Aelod Cabinet – Economi).

1. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

2. COFNODION

Llofnododd y Cadeirydd gofnodion cyfarfod y Pwyllgor hwn a gynhaliwyd ar 12 Hydref, 2016, fel rhai cywir.

Cyfeiriodd Cynrychiolydd Sefydliad y Bâd Achub at gefnogaeth yr aelodau i gynnal archwiliad diogelwch o ardaloedd aber y Glaslyn a Thraeth y Graig Ddu a chael sgwrs ddilynol i edrych ar sut y gellir gwella'r sefyllfa o fewn yr adnoddau. Amlygodd bod y Swyddog Morwrol a Pharciau Gwledig wedi cadarnhau y byddai'n cysylltu efo Sefydliad y Bâd Achub yng nghyswllt archwiliad diogelwch. Mynegodd ei anfodlonrwydd nad oedd hyn wedi ei weithredu a bod y Swyddog wedi nodi ym mis Ionawr y byddai swyddogion y gwasanaeth yn cwblhau'r archwiliad diogelwch. Nododd ei fod wedi anfon e-bost at yr Uwch Reolwr Economi a Chymuned ond nid oedd wedi derbyn ymateb.

Amlygodd y Cadeirydd mai Pwyllgor Ymgynghorol oedd y Pwyllgor ac felly nid oedd rheidrwydd i'r swyddogion weithredu.

Nododd yr Uwch Reolwr Economi a Chymuned ei fod yn gwerthfawrogi sylwadau Cynrychiolydd Sefydliad y Bâd Achub ac yn derbyn ei bryderon. Nododd y ceisir osgoi gwneud nifer uchel o archwiliadau oherwydd yr adnoddau prin a'r tebygolrwydd ni ellir gweithredu mesurau i liniaru'r risg. Pwysleisiodd bod y Cyngor yn croesawu mewnbwn partneriaid gan gynnwys Sefydliad y Bâd Achub ac yn cydweithio efo'r sefydliad o ran lliniaru risgiau yn Abermaw. Ymddiheurodd nad oedd y cynrychiolydd wedi derbyn ymateb i'w e-bost ac fe fyddai'n rhoi ystyriaeth i'r e-bost.

Mewn ymateb i sylw gan aelod y byddai'n ddefnyddiol derbyn mewnbwn gan Sefydliad y Bâd Achub o ran Porthmadog, nododd Uwch Reolwr Economi a Chymuned bod y Gwasanaeth yn blaenoriaethu o ran risg.

Nododd yr aelod ei siomedigaeth na ofynnwyd am fewnbwn Sefydliad y Bâd Achub o ran yr archwiliad o ardaloedd aber y Glaslyn a Thraeth y Graig Ddu, gan nodi y gallai'r Cyngor rhoi ystyriaeth i'r materion a amlygir gan y Sefydliad a blaenoriaethu'r hyn oedd angen i wneud i liniaru'r risgiau.

Nododd y Swyddog Morwrol a Pharciau Gwledig bod y Gwasanaeth yn cymryd i ystyriaeth barn y Pwyllgor Ymgynghorol. Adroddwyd bod swyddogion profiadol y Gwasanaeth wedi cynnal archwiliad ac o ganlyniad yn y broses o osod mwy o arwyddion yn yr ardal yn ogystal ag adolygu taflenni gwybodaeth a roddir i ddefnyddwyr y traeth yn pwysleisio'r risg o ran Banc y Gogledd.

Nododd Cynrychiolydd Sefydliad y Bâd Achub bod y sefydliad eisiau parhau i gyd-weithio efo'r Gwasanaeth ac yn cynnig cynorthwyo ym Mhorthmadog fel y gwneir yn Abermaw a Thywyn. Ychwanegodd ei fod yn cydnabod bod arbenigedd yn y Gwasanaeth ond yn anfodlon nad oedd y Swyddog Morwrol a Pharciau Gwledig wedi cysylltu â Sefydliad y Bâd Achub wedi iddo gadarnhau yn y cyfarfod diwethaf y byddai'n cysylltu.

Mewn ymateb, nododd y Swyddog Morwrol a Pharciau Gwledig bod asesiad risg wedi ei gwblhau gan Sefydliad y Bâd Achub o ardal Morfa Bychan dwy flynedd yn ôl a ni ystyrir ei fod yn amserol i ail-ymweld.

Cadarnhaodd yr Harbwr Feistr bod arwydd newydd (unol â dyluniad Sefydliad y Bâd Achub) wedi ei osod yn Lôn Gwydryn ac fe osodir 3 arwydd arall, yn ogystal ag arwydd ym Mhorth y Gest a oedd yn cynnwys y tabl llanw.

Nododd aelod ei fod yn ddefnyddiol i'r Cyngor dderbyn barn gan sefydliadau allanol ac fe ddylid ei groesawu.

Mewn ymateb i ymholiad gan aelod parthed y diweddaraf ar gynllun Clwb Hwyllo Porthmadog i osod pontwns ar wal yr Harbwr, nododd Cynrychiolydd Buddiannau Hamdden bod gwaith ymchwil ac asesu yn parhau.

3. DIWEDDARIAD AR FATERION RHEOLAETHOL YR HARBWR

Tywysodd y Swyddog Morwrol a Pharciau Gwledig yr aelodau drwy'r adroddiad, gan dynnu sylw at y prif bwyntiau canlynol:

- Ni dderbyniwyd sylwadau o ran y Côt Diogelwch Morwrol yn y cyfnod ers y cyfarfod diwethaf.
- Roedd y Gwasanaeth yn mawr obeithio derbyn adolygiad gan arbenigwr allanol Asiantaeth Gwylwyr y Glannau ym mis Ionawr. Yn anffodus, oherwydd diffyg capasiti nid oedd yr archwiliad wedi ei gynnal ac roedd y Gwasanaeth yn disgwyl i ail drefnu'r adolygiad. Rhagwelwyd y cynhelir yr adolygiad ym mis Medi 2017.
- Cynhelir archwiliad manwl gan archwilwyr Awdurdod Goleudai Tŷ'r Drindod ar yr 31ain o Orffennaf 2017. Nodwyd oherwydd y buddsoddiadau diweddar rhagwelir y byddai'r adroddiad yn cadarnhau parhad mewn gwelliant yng nghyflwr a lleoliadau Cymhorthion Mordwyo Harbwr Porthmadog.
- Bod 2 Rybudd i Forwyr mewn grym yn Harbwr Porthmadog. Roedd y rhybudd yn gyfredol ar gyfer Bwi Rhif 1 (Traethell) - oedd ddim ar ei safle (rhybudd rhif 10.). Nid oedd cymhorthydd Bwi Rhif 3 (rhybudd rhif 9) ar ei safle ac fe rybuddir morwyr i fordwyo gyda gofal yn yr ardal hon hyd fydd y cymhorthion wedi eu hail leoli ar eu safle cywir. Nodwyd yr hysbyswyd Tŷ'r Drindod o'r sefyllfa ym Mhorthmadog drwy system PANAR yn unol â'r gofynion.
- Bod sianel fordwyo Harbwr Porthmadog wedi newid yn sylweddol yn ystod yr wythnosau diwethaf yn enwedig yn ardal Cwt Powdwr. Nodwyd bod y Gwasanaeth yn archwilio'r sianel yn rheolaidd ar lanw isel er ceisio sicrhau fod y cymhorthion mordwyo yn y lleoliad fwyaf addas. O ganlyniad i'r newid cyson yn y sianel, roedd sicrhau fod y cymhorthion yn eu safle cywir yn heriol.
- Fel yr adroddwyd yn y cyfarfod diwethaf, ymestynnwyd cyfnod cyflogaeth 2 Cymhorthydd Harbwr at ddiwedd mis Rhagfyr 2016 er sicrhau cefnogaeth a pharhad i'r gwasanaeth ar draws y Sir. Nodwyd yr ymestynnwyd cyfnod y swyddi ymhellach

hyd at ddiwedd mis Mawrth 2017 ar drefniant tri diwrnod yr wythnos. Adroddwyd yr hysbysebair y swyddi Cymhorthyddion Harbwr ar gyfer y cyfnod 1 Ebrill 2017 i 30 Medi 2017.

- Diogelwyd cwch a adawyd i ddirywio ger Cei Balast a fe'i symudwyd i ardal y llithrfa. Nodwyd bod y Gwasanaeth yn cysylltu gyda'r perchennog gan dynnu sylw bydd yn fwrriad gwerthu neu waredu'r cwch oni bai bod y cwch yn cael ei chludo o'r Harbwr yn ystod y ddeufis nesaf. Nodwyd os oedd yr aelodau yn ymwybodol o unrhyw brosiectau a fyddai'n dymuno derbyn y cwch iddynt gysylltu â'r Gwasanaeth.
- Y sefyllfa gyllidebol hyd at ddiwedd Ionawr 2017, gan nodi na ragwelir y cyrhaeddir y targed incwm ar gyfer y flwyddyn ariannol.
- Y byddai cwch newydd o wneuthuriad 'Powercat' yn cael ei leoli ym Mhorthmadog.
- Bod ffioedd drafft Harbwr Porthmadog ar gyfer blwyddyn ariannol 2017-18 wedi eu cyflwyno yn y cyfarfod diwethaf, cadarnhawyd y bwriedir cynyddu'r ffioedd 2% ar gyfartaledd er cwrdd â her cyllideb a tharged incwm y gwasanaeth. Eglurwyd y byddai'r Aelod Cabinet - Economi yn cadarnhau'r ffioedd erbyn diwedd Mawrth 2017.
- Bod rhaid i'r Cyngor ychwanegu ffi am bob angorfa ym mhob Harbwr o dan reolaeth y Cyngor yn 2017. Eglurwyd bod y ffi wedi ei ychwanegu gan Ystad y Goron a fyddai'n hawlio £25.00 am bob angorfa yn yr Harbwr. Nodwyd bod gofyn ar y Cyngor, fel yr Awdurdod Harbwr, i godi a chasglu'r ffi ar ran Ystad y Goron. Ychwanegwyd bod y ffi ychwanegol hefyd yn daladwy am angorfeydd ymwelwyr ac fe fydd gofyniad i'r taliad hwn gael ei ariannu drwy gyllideb yr Harbwr.

Croesawyd yr Uwch Swyddog Harbyrau yn ôl yn dilyn cyfnod o salwch.

Manylodd yr Harbwr Feistr ar y rhaglen waith cynnal a chadw. Nododd aelodau bod y mesurau rheoli o ran atal ceir rhag parcio ar y man storio cychod ym Mhorth y Gest wedi gwella'r sefyllfa.

Mewn ymateb i gwestiwn gan aelod o ran cysoni ffi Tollau Harbwr fel nad oedd gwahaniaeth rhwng Ffi Leol a Ffi Eraill, nododd y Swyddog Morwrol a Pharciau Gwledig er bod cysoni o ran y ffi Tollau Harbwr, bod disgownt yn parhau i drigolion lleol o ran y ffioedd eraill. Nodwyd er bod cynnydd ffioedd Borth y Gest yn uwch na chwyddiant y credir ei fod yn rhesymol.

Mewn ymateb i sylw gan aelod, nododd y Swyddog Morwrol a Pharciau Gwledig bod galw am angorfeydd parhaol yn lleihau gyda nifer ymwelwyr yn cynyddu ac fe edrychir ar ffyrdd i ddenu mwy o gwsmeriaid. Cadarnhaodd yr Harbwr Feistr bod 76 unigolyn wedi cadarnhau angorfa parhaol a oedd gyfystyr a 50% o'r ddarpariaeth ar gael. Ychwanegodd y Swyddog Morwrol a Pharciau Gwledig bod rhai unigolion ddim yn cadarnhau tan fis Mai.

PENDERFYNWYD nodi a derbyn yr adroddiad.

5. CYFARFOD NESAF

Nodwyd y caiff y cyfarfod nesaf ei gynnal ar 11 Hydref, 2017.

Dechreuodd y cyfarfod am 5.30pm a daeth i ben am 6.20pm